

جریدہ علیہ

مشخت جلد اسلامیک جبریدہ رسمیه

۳۰ جمادی الاولی ۱۳۳۸

عدد ۵۴

اون بش کونده بر نشر اولور

بشقی سنه

فتاویٰ شریفه

حضانه

هند زوجی زید متوفادن اولان صغیراوغلی عمروی بحق الحضانه تربیه ایدرکن اکثر اوقاتده صغیری منزلهده یالکیز براقوب ییانلرده یاتدیغندن ضیاع احتمالی غالب اولوب مأمون اولماقله صغیرک عمهسی زینیدن غیر حاضنهسی اولماسه زینب صغیری رأی حاکمه هنددن آلمغه قادره اولورمی الجواب اولور.

* *

هند مهتدیه زوجی زید یهودی متوفادن اولوب تعقل دین ایدن یدی یاشنده صغیره قیزی زینبی بحق الحضانه تربیه وامساک اوزره ایکن نفسی صغیره اجنبی اولان عمرو مسلمه تزویج ایدوب صغیره نک مسلمیندن اناسی هنددن غیر کسهسی اولیوب هند دخی ثقه ومأمونه اولمقین حاکم صغیره بی اناسی هندک یاننده طورمسی رأی ایدیجک هند صغیره بی تربیه وامساکه قادره اولورمی الجواب اولور.

* *

نفته

زوجی اولیان هند فقیره بالغه نک نفقهسی باباسی زید اوزرینه لازمه اولورمی الجواب اولور.

* *

بیع

هند صغيره نك اناسى زينب صغيره نك منزليه بعض اشياى فصولاً زيد وعمروه بيع
وتسليم ايلسه صغيره بالغه اولدقده منزل واشياى زيد وعمرون آلمغه قادره اولورمى
الجواب اولور .

*
**

مفقود

زيد مفقودك حقيقه يا حكماً موتى ثابت اولدين زوجه سى هند نفسى آخره تزويجه
قادره اولورمى الجواب اولماز

*
**

اجرت

اجرت ايله خدمت ايدر مقوله سندن اولان زيد اجرت قولنسز عمروك طلبيله برمدت
عمروه خدمت ايلسه زيد خدمتتلك اجر مثلى عمردن آلمغه قادر اولورمى الجواب اولور .

*
**

هبه

زيد برياشنده اولان جاموسى بوزاغوسى عمروه هبه وتسليم ايتد كدنصكره بش سنه
عمرو ايدوب بوزاغو بيويوب اينك اولمغه زياده متصله حاصل اولسه حالا زيد نادام اولوب
هبه سندن رجوعه قادر اولورمى الجواب اولماز .

*
**

زيد عمروه بر رأس اينك هبه وتسليم ايدوب عمروك ينده ايكن اينكدن شوقدر
فروع حاصله اولدقده نصكره مانع رجوع بولنماغله زيد هبه سندن رجوع ايدوب اينكى
آلدقده اول فروعى آلمغه قادر اولورمى الجواب اولماز .

*
**

زيد مرض موشنده وارثى اولميان قيزينك اولادينه بعض اشياى هبه وتسليم ايتد كدن
صكره زيد فوت اولسه ثلث مساعد ايكن ورثه سى هبه يي طوتمامغه قادر اولورلرمى الجواب
اولمازلر .

*
**

وصایت

زید معنوهك ولسی اولماغله حاكم عمروی زیده وصی نصیب ایدوب مالنی عمروه
حفظ ایتدیرمكه قادر اولورمی الجواب اولور .

كتبه الفقیر الیه تعالی ابراهیم الحیدری
عفی عنه

*
*

تصحیح :

جریده علمییه نك ۴۹ نجی نسخه سنك ۱۵۳۰ نجی صحیفه سنك آلتنجی سطر نده ترتیب سهوی
اولورق واقع اولان « زید اول مالدہ عمروی مشارکته قادر اولورمی الجواب اولور » یرینه « الجواب
اولماز » اوله جقدر .



توجیهات علمییه

محمد وحید الدین

دارالحکمة الاسلامیه باش کاتبی عاکف بک باش کتابت عهدہ سندہ قلمق اوزره باش
کتابته مخصص اولان معاشیله ضمیمه مأموریت اولورق دارمذکور اعضالغنه تعیین اولمشدر .
بو اراده سنیه نك اجراسنه مشیخت مأمورددر .

۳۰ ربیع الآخر ۱۳۳۸ ۲۲ کانون ثانی ۱۳۳۶

شیخ الاسلام

ابراهیم الحیدری

*
*

محاسبات علمییه قلمی میز اولالکینه لوازم ومعاشات قلمی میزی صالح و آنک یرینه
مأمورین قلمی میز اولی اسماعیل ومأمورین قلمی میز اولالکینه قلم مذکور میز ثانیسی محمد
صابر ومذکور میز ثانیلکه امور حسابیه مأموری برهان الدین افندیلر نقلاً وترقیماً وبوردور
سنجانی مرکز مفتیلکینه مفتی سابق خلیل افندی اعاده جزره قضاسی مفتیلکینه مفتی
سابق حلمی افندی تعیین قلممشدر . ۲۲ کانون ثانی سنه ۱۳۳۶

